



Apertura di temporada di Carnaval lo ta diadomingo awo

Stichting Arubaanse Carnaval SAC tin e honor di invita bo(so) persona na e celebracion di apertura di e temporada di Aruba su Carnaval nr 59.

Aruba completo, bin celebra hunto den forma di un dia di famia pa asina nos yama un bon bini na Aruba su temporada di Carnaval nr 59.

Evento di
Carnaval di Aruba



Fecha: diadomingo 11-11-2012

Lugar: Arashi Beach

Ora : 12:30pm – 07:00pm



Bandanan musical – DJ's – Beach volleyball – Weganan popular – Brassband

E temporada di Carnaval oficialmente lo habri diadomingo awo, dia 11 di November. Un y tur ta wordo invita pa bin pasa un dia di famia cu SAC na Arashi.

ORANJESTAD - S.A.C. kier a informa e pueblo en general cu nos lo celebra e apertura di e temporada mas dushi esta nos Dushi Carnaval diadomingo awo 11 di november 2012 di 12:30pm te cu 7:00pm na Arashi. Pa e aña aki S.A.C. lo celebra e apertura aki den un ambiente di dia di famia na beach. A scoge e forma di un actividad den naturalesa esta na un di nos beachnan cu ta bon bishita pa nos turistanan e pilar di nos economia.

VARIOS ACTIVIDAD

Riba e dia aki lo ta bay tin actividadnan di entre otro beach volleyball, weganan popular, wega di domino etc. Pa loke ta musica esaki no ta bay falta. Lo ta bay

tin diferente DJ-nan cu lo presenta, TBS Brassband, bandanan musical Hot Ones, Honey Pot y Youth X-treme. Pues e ambiente lo ta bay ta uno tropical y sin falta carnavalesco.

PARTICIPACION

Alabes un invitacion ta bay na tur esunnan cu kier participa den e weganan popular cu lo tin oportunidad pa 5 grupo di 8 persona por participa. Tambe pa participa den beach volleyball pa forma nan team di 2 of 4 persona pa asina bo tambe ta den e ambiente di e dia di famia. Por yama na oficina di SAC of manda un e-mail na sacaruba@yahoo.com of riba e facebook di SAC.

Aruba nos ta warda boso tur for di 12:30 di merdia te cu 7 di anochi pa bin disfruta e comienso di e temporada di Carnaval nr 59. Pasobra den Carnaval 2013, Aruba un biaha mas na cabes.

SAC

Stichting Arubaanse Carnaval (S.A.C.) ta e organo oficial pa organisa y coordina e celebracion di Carnaval na Aruba. Carnaval ta e celebracion cultural mas grandi cu Pais Aruba ta celebra anualmente, cual celebracion no conoce ningun distincion di rasa, religion, color, sexo y edad. Pa haci e Carnaval exitoso S.A.C. ta conta cu un cantidad di boluntario motiva y dispuesto pa traha. □